

# Dvogodišnji studij MBA na Ekonomskom fakultetu



## Školarina nevjerovatnih 23.000 eura

**Kvalitetan menadžment potreban je našoj zemlji, ne bi li nas digao iz blata korupcije i nezakonitosti, u kome već dugo leži naša zemlja.**

**Piše: Vejzamele VEJZAGIĆ**

**S**arajevo Graduate School of Business (SGSB) zajednički je projekat University of Delaware i Ekonomskog fakulteta Univerziteta u Sarajevu. Škola menadžmenta pravo je osvježenje u tmurilu bh. obrazovanja, jer osigurava kvalitetno obrazovanje, u skladu sa zapadnoevropskim standardima i diplomu priznatu od vodećih institucija za akreditaciju obrazovnih programa u oblasti biznisa i menadžmenta. Cijeli projekat realizira se, uz finansijsku podršku USAID-a.

**Sarajevo Graduate School of Business** nudi dvogodišnji program postdiplomskog studija Master of Business Administration (MBA), koji obrazuje menadžere sposobne da postiču rezultate u sve konkurentnijem poslovnom okruženju. Šesnaest predmeta dvogodišnjeg MBA studija vodit će tim sastavljen od uglednih regionalnih i profesora sa Univerziteta u Delawareu. Kvalitetan menadžment potreban je našoj zemlji, ne bi li nas digao iz bla-

ta korupcije i nezakonitosti, u kome već dugo leži naša zemlja - rekli su nam u MBA-u. MBA program namijenjen je stručnjacima i poslovnim ljudima iz raznih oblasti koji imaju najmanje tri do pet godina radnog iskustva. Predavanja će biti održavana u večernjim satima i vikendom, kako bi polaznici studij mogli uklopiti sa radnim obavezama.

Predavanja će biti izvođena na engleskom jeziku. Prva generacija brojat će 25 studenata. Ukupna cijena dvogodišnjeg studija iznosi 23.000 eura. Studentima će biti na raspolaganju značajna finansijska pomoć u vidu stipendija ili dugoročnih kredita. Predavanja počinju 27. septembra 2004. godine, a rok za upis je 10. septembar. ☞

Više informacija možete dobiti putem web stranice:  
[www.sgsb.edu.ba](http://www.sgsb.edu.ba)  
ili na e-mail adresu:  
[stockerj@lerner.udel.edu](mailto:stockerj@lerner.udel.edu)